



大清會典卷之三十八

戶部



蠲恤四

借給

康熙三十年

諭。山西平陽府岳陽等八州縣被災人民。將五。崞。二縣

所儲米石貸給。○又覆准。平陽府屬夏。聞。等十五州

縣。再將太。太。二府屬買貯捐米借給。於明年秋

收還倉。○三十一年。覆准。山東存貯捐穀二十

八萬九千餘石。將此酌量借給窮民。接濟春耕。

俟秋成照例償還。○又覆准。夏。聞。等縣捐項將

竣。饑民日增。各州縣有分貯米價。令借給窮民。  
○又題准。西鳳二府屬。疊遭荒旱。動州縣捐銀  
借給。以爲種籽之用。○又覆准。高平。臨川。武鄉。  
沁源等州縣。去年雖未成災。亦俱歉收。該州縣  
各有頒發分貯米價。令借給窮民。以爲口食籽  
種之資。俱於本年秋成償還。○三十二年。覆准。  
山西太原等縣夏災。動縣倉積貯米石借給貧  
民。○三十三年。覆准。江南全椒縣旱澇交侵。動  
捐穀借給災民。○三十四年。覆准。宛平等十五  
天。○三十五年。廳縣。續被秋災。動倉糧借給窮民。○三十五年。

諭。直屬頻年被災。屢經蠲賑。俾小民得以資生。寶坻等  
州縣。受水患之處甚多。今年錢糧業已免徵。無可蠲  
恤。該撫責成賢能地方官。確察實係窮民。借支倉米。  
務令均霑實惠。不致流離失所。○又

諭。固安等十二州縣所借米石。於三十六年秋收後。照  
數還倉。○三十六年。覆准。甘肅安化等州縣被旱。動  
積穀借給窮民。再動司庫銀賑濟。三十五年未  
完錢糧。暫行緩徵。○三十七年。議准。山西平定  
等州。縣衛所。三十五。六。兩年借給貧民米穀。保  
德等縣。衛。三十七年借給貧民米穀。因連歲薄

收。將三十五。六。兩年借穀。俟三十八年秋收補還。三十七年借穀。俟三十九年秋收補還。○又覆准。湖廣鍾祥等州縣饑民。動積穀借給。○三十一年。覆准。直屬贊皇縣。向因紙糊套賊爲害。附近居民。悉多逃避。今漸歸鄉里。失業既久。資生無術。暫動倉糧。借給牛種籽粒。俟秋收還倉。○又覆准。湖廣武陵等三縣被水災饑民。將積穀借給。○四十一年。覆准。西寧運西安糧石。借給本地窮民。於明秋照數還倉。○又覆准。山東海豐等州縣被水。於積貯糶三存七穀石。借糶

並行。以濟窮黎。○四十二年。覆准。將

盛京所貯米穀。酌量借給烏喇虞人。○又覆准。陝

西漢中府屬之南沔等七州縣。夏被水災。秋被

蟲災。行令該撫。遴委賢能官員。親身踏勘。卽動

倉糧借給。俟秋收後照數還倉。○又覆准。河南

祥符等州縣被災饑民。動倉穀借給。○四十三

年。題准。湖南各屬。去年秋收歉薄。將積貯倉穀

一半。借給窮民。俟秋收還倉。○四十五年。題准。

畿輔米價漸昂。已將常平倉米穀。動十分之三。減

糶。其有實在窮民。無力買米。亦於三分之一中。酌

大清會典 卷三十一  
量借給。秋收後補還。○四十七年。題准。河南省各州縣常平倉存貯穀石。每年三分之一。出陳易新。令將新貯倉穀。亦照常平倉之例。不必限定借數。隨民便借給。○五十一年。

諭。陝西鞏昌等處存倉米二十萬石。於青黃不接時。聽民借領。俟秋收後照數還倉。○又覆准。鞏昌等處產米無幾。民欠倉糧。准以麥一石。抵米一石。大豆豌豆一石。零抵米一石。還倉。有現價糶賣者。將價報明。亦俟秋收後。採買還倉。○五十二年。覆准。廣西米價昂貴。將常平穀借給貧民。○五十

三年。議准。廣東省歉收。動借倉穀。俟來歲買補還倉。○又覆准。甘屬地方歉收。動捐穀借給平糶。○五十四年。覆准。直屬樂亭等三州縣。收成歉薄。暫動倉糧。分別借給。○五十八年。覆准。陝西靖遠等十堡。秋禾被災。窮民乏食。將附近倉糧。酌量撥運借給。○又覆准。山東青萊等府災民。將常平倉穀酌量借給。○又覆准。甘屬被災。酌量給發籽種。○六十年。覆准。直隸大名府長垣等四州縣。因黃沁水溢衝漫。秋禾被淹。貧民乏食。該州縣將存倉米穀借給。如有不敷。於截

大清會典 卷三十一  
留漕米內通融動支。○又覆准。山西被災地方。令該撫將倉貯米穀。借給小民。○又覆准。黑龍江兵丁水手人等。所種地畝被災。借給口糧。於次年所得糧石。照數還倉。○又覆准。陝西甘屬。五十九年夏秋被災。今值春耕。撥解庫銀二十萬兩。給發籽種。俟秋收後補還。○六十一年。覆准。直隸贊皇等五十九州縣。出借米穀。以濟民生。○雍正三年。覆准。東省曹縣。魚臺。二處。黃水漫溢被淹。窮黎難於度日。暫動常平倉穀。酌量借給。明歲麥熟後。照數還倉。仍將借過穀石數

目。造冊報部查核。○又覆准。直屬被水之後。小民乏食。於各屬存倉米內。酌量減價平糶。據領借給。以濟民食。於次年秋收後買補還倉。○四年。

諭。借放倉糧。每爲地方官掩飾虧空之計。且借放之時。往往利歸有力之家。窮民不得實沾恩惠。直隸倉糧。向來虧空甚多。朕知之甚悉。今直隸總督。爲未報災之州縣。奏請糶借倉糧。著派翰林。御史。部院賢能官。十數員前往。會同各該地方官。核實監糶。務使小民均沾實惠。其各處糧穀。果否實貯在

倉。一併查驗。○又覆准。歷城等州縣田禾被淹。動倉穀酌量借給。○又覆准。嗣後直省州縣。遇借未給民糧之時。或有貧乏兵丁。需借米穀者。該管官詳報督撫。一面報部。一面批行各該州縣查驗。果係兵丁需借。取具該管官印領借給。於支放兵糧時。按領扣還。倘有該管官不行詳報。及不待批行。私出印領。州縣官私行借給。或州縣官不待督撫批行。擅即支借者。該督撫即指名題叅。照私動倉穀律治罪。其有該管官假託兵丁告借為名。私支入己者。州縣官即行揭報。該

督撫即行題叅。以侵盜律治罪。如州縣官失於覺察。或明知而不揭者。各照本律議處。更或有奸詐兵丁。於借給民米之時。冒充百姓。私領米石者。發覺之日。將兵丁保甲等。一并從重治罪。○又議准。嗣後穀石。務令各州縣官。按名面給。至秋熟之後。按戶繳還。倘有為吏胥朦混。捏名虛領。秋時追欠無著。將捏領之胥役。從重治罪。其所欠米穀。即於該州縣官名下追還。并照失察例治罪。其有官役侵刻。小民不沾實惠者。該督撫察出題叅。亦按律治罪。

其租欠米錢等項。或於秋課官倉。不取。或於秋  
 盡。酌給。或於冬。無著。孰具。論之。否。毋。益。重。當。罪  
 至。極。然。之。等。並。可。解。送。前。官。或。更。官。報。出。其  
 〇。又。新。年。開。辦。身。錢。不。符。合。谷。稅。課。官。計。各。而。解  
 〇。官。發。與。之。日。其。具。丁。於。甲。第。一。卷。各。更。官。報  
 〇。其。具。丁。於。甲。第。一。卷。各。更。官。報。出。其  
 〇。其。具。丁。於。甲。第。一。卷。各。更。官。報。出。其  
 〇。其。具。丁。於。甲。第。一。卷。各。更。官。報。出。其

緩徵

順治八年。議准。勘過被災地方。暫停徵比。以俟

恩命。〇康熙四年。題准。遇災地方。督撫一面題報。一

面行。令州縣停徵錢糧十分之三。如州縣故將

告示遲延。不卽通行曉諭者。以違

旨侵欺。從重議罪。道府降三級調用。撫司降一級調

用。〇七年。題准。淮揚二府屬被災九分十分田

地。漕糧漕項。於八。九。兩年帶徵。〇九年。覆准。淮

安府屬災田。除蠲免外。其應徵錢糧。緩至十年

十一年。各帶徵一半。〇又覆准。淮揚帶徵漕糧



大清會典 卷三十八 戶部十六  
漕項。改於明年麥熟時徵解。其八年分漕糧漕  
項。於九。十。十一。三年帶徵。○又覆准。淮。揚。九年  
分漕糧漕項。寬至十年帶徵。○又覆准。山東金  
鄉等縣九年分漕糧。於後三年帶徵。○十七年。  
諭。江南省連年水旱。將舊欠錢糧。一并停徵。并將十一  
年帶徵八。九。兩年漕項漕白銀米。俱暫停徵。○十二  
年。覆准。浙江嘉。湖。二府屬漕折銀。分兩年帶徵。  
恩命。○十七年。題准。江南宿遷縣帶徵十六年漕糧  
漕項。於十八年帶徵。○十八年。題准。江南邳。宿  
徐。蕭。楊。五州縣災荒。以前逋欠。分作五年帶徵。

○又題准。江蘇等七府州漕米。本年徵一半。其  
一半。於次年帶徵。○十九年。覆准。江南賦繁。積  
欠。追比累民。其十三年至十六年錢糧。自十九  
年始。分年帶徵。以紓民力。○二十年。題准。溧陽  
等州縣。去年被災。將十九年分未完漕糧漕項。  
於本年帶徵。○二十三年。

詔。江南。江西。浙江。湖廣。自用兵以來。供應繁苦。自康熙  
十三年。至二十二年。拖欠漕項錢糧。著自二十三年  
起。每年帶徵一年。以免小民一時並徵之累。○二十  
八年。覆准。湖北各府被災。顆粒無收。將本年漕

大清會典卷三十八  
糧漕項。於二十九。三十。兩年。帶徵起運。○又覆  
准。太原大同所屬歉收。將上半年錢糧。緩至來  
十三年徵收。其應給兵餉。先動庫項買貯。○二十九  
年。覆准。山東沂州。郟城。等二十四州縣。及濟南  
等衛所。歲收歉薄。其未完二十八年錢糧。一十  
三萬二千有零。於康熙三十年帶徵。○又江西  
寧州等州縣。去秋被旱。奉

旨。被災九分十分田畝。本年錢糧。著緩徵。○三十年。題  
准。山西平陽府屬浮山等十一州縣。澤沁。二州  
陽沁。二縣蝗災。本年錢糧。已經照分數蠲免。舊

欠錢糧。准於三十一年秋成帶徵。○又米石奉  
諭。原武等州縣未完錢糧。著於三十二年三十二年帶  
徵。○又

諭。朕頃巡行邊外。入喜峰口。見有民間田畝。爲蝗蝻所  
傷。又聞榛子鎮及豐潤等處地方。被蝗蝻災者。亦所  
在間有。秋成失望。則粒食維艱。朕心深切軫念。倘及  
今不爲區畫儲蓄。恐至來歲不免饑饉之虞。著行該  
撫親歷直隸被災各州縣。通加察勘。悉心籌畫。應作  
何積貯。該撫詳議具奏。其被災各地方。明歲錢糧。若  
仍照例催科。小民必致苦累。著俟該撫察報分數到

日。將康熙三十一年春夏二季應徵錢糧。緩至秋季徵收。用稱朕體恤民生。休息愛養至意。○又覆准。陝西西鳳二屬被災州縣衛所。并都司民屯銀糧。今不除蠲免外。其餘未完及舊欠。俱緩至三十一年秋成帶徵。○三十一年。陝西華陰澄城等州縣。三十年未完銀米。及三十一年春夏應徵銀米。俱著於秋成後帶徵。○又長武縣積欠銀米。著一并緩徵。○又覆准。平陽澤州所屬州縣錢糧。一并緩徵。○又山西夏閩等州縣三十年帶徵未完錢糧。并借賑分貯米石。奉

旨。於三十二年帶徵。○三十二年。

諭。江浙二省。今年夏旱。雖不成災。秋收量必有限。若漕糧照常徵收起運。恐民食將至匱乏。朕爲此常切軫念。除浙江漕糧今年蠲免外。其江南漕糧。今年或三分免一。或免一半。俟至該省蠲免之年。將今年所免米石。照數補徵起運。於漕糧既無缺少。官民大有裨益。遵

旨。議准。將江蘇安徽本年漕糧。三分免一。此所蠲漕糧。俟至該省蠲免年分。照數補還。○三十三年。題准。江南六合縣荒歉。將二十二年并二十四年。

大清會典 卷三十一  
至三十年。軍欠漕項銀米。於三十三年爲始。分年帶徵。○三十四年。江南未完地丁銀米。江蘇所屬二十八年起。至三十二年止。廬鳳二屬六合等五州縣二十七年起。至三十二年止。及蘇松。江安。糧道所屬未完漕項漕糧。十八年起。至三十一年止。奉

旨。這歷年地丁及漕項未完錢糧。俱著自康熙三十四年始。分年帶徵。○又覆准。湖廣沔陽衛水冲田地。二十三年。至三十二年。未完銀兩。分年帶徵。○三十六年。題准。直屬被災之霸州等三十九州縣

與未經成災之獻縣等六州縣。三十五年。民借米穀。著緩徵。○又覆准。山西五臺等縣。田禾歉收。三十五年。未完錢糧。三十六年。應徵錢糧。俱於秋成徵收。○又題准。直屬三十六年。上半年錢糧。緩至明年帶徵。其下半年錢糧。二麥告成之際。催納。○又題准。江南淮揚徐泗地方。去歲水災。三十五年。一應錢糧。已經蠲免。其三十四年。未完錢糧。於三十七年帶徵。○三十七年。

諭。山西省康熙三十七年。錢糧。已有諭旨。通行蠲免。靜樂等縣。三十六年。未完錢糧。若於三十七年徵收。則

大清會典 卷三十八  
小民仍有催科之累。著於三十八年帶徵。○三十八年。

諭。朕巡省民生風俗。自江浙返蹕。行經山東。幸今歲雨暘時若。二麥繼登。小民無憂粒食。但前年泰安等二十七州縣。生計尚未豐盈。所有康熙三十六年未完地丁銀米。俱著免徵。其三十七年應徵錢糧。恐一歲未能完納。令分作三年帶徵。○又題准。江西省進寧等州縣田畝。盡在山中。蓄積亦少。舊逋新欠。難以並徵。將三十五、六兩年未完民欠銀。於三十九、四十年帶徵。○三十九年。題准。山西省靜樂

沁源二縣。三十五、六兩年未完錢糧。俱緩至三十八年帶徵。但合之三十八年額徵正賦。小民有三年並徵之苦。將三十六年未完錢糧。再緩至三十九年秋成徵收。○又江南三十四、五、六三年漕項民欠未完。奉

旨。這漕項積欠銀兩。著分年帶徵。其積欠米麥。俱著免徵。○又覆准。直隸廣平縣夏被水災。未完錢糧。緩至四十年秋成徵收。○四十年。覆准。甘肅寧夏等處被旱。將錢糧暫行停徵。○又議准。甘屬本年錢糧。於四十二年帶徵。○四十一年。山東省泰

大清會典 卷三十八  
安等六州縣墾荒地畝陞科錢糧未解。奉旨分三十八。九。四十年帶徵。○又題准山西靜嵐二縣被災最重。其三十六年未完錢糧。准於四十一年起分作三年帶徵。○又題准陝西西寧衛下任上川口。巴古等堡。應徵屯糧。於四十二年帶徵。○四十二年題准祥符等州縣被災錢糧。著緩徵。○又覆准奉天承德等州縣歉收。將四十二年應徵米豆。并借給民人穀石。俱於次年帶徵。○又

諭東省今歲錢糧漕米。俱應速行停徵。○四十三年題准直屬廣平等處。高下俱遭雨水淹沒。照荒田墾種。三年起科。至所有未完民欠。及俸工銀。分作三年帶徵。○又題准山東省泰安等州縣麥禾被災。四十二年錢糧。已經停徵。其歷年民欠。分作三年帶徵。○四十四年。

諭嗣後蠲免錢糧時。將歷年未完舊欠錢糧。停其徵收。次年仍照常徵收。○又題准直隸河間府屬。去歲收成歉薄。將四十一。二。三等年未完錢糧。緩至次年帶徵。○又題准江南睢寧等縣被災。應徵地丁漕項銀米。著暫停徵。○四十五年

大清會典 卷三十一  
諭南鄭城固畧陽沔縣郿縣被水災地方應納銀米著  
暫停徵。○又覆准寶坻等處減糶并民借米穀均緩  
至來年秋成催買還倉。○四十六年題准直隸  
武清寶坻永清東安梁城所楊村廳等六處四  
十五年被災其未完起運銀於四十六年秋成  
帶徵。○四十七年

諭朕屢次南巡見閭里殷阜之家遠不逮於舊時朕於  
民生風俗無不一一咨訪雖不時蠲免額賦停徵積  
逋僅可支吾卒歲絕無餘蓄且今承平既久生齒日  
繁食漸不充用多不給亦理勢之所必致朕每念及

此未嘗不爲之惻然去年江南浙江二省俱被旱災  
多方軫恤始蘇民困今歲復報潦傷旋經照例蠲賑  
並下詔書留漕資濟但歲再不登生計益匱欲令辦  
賦力必難供朕於國家一切經費屢年撙節帑藏充  
裕以此弘敷膏澤藏富於民俾得盡力農桑衣食滋  
殖百姓旣足國用何憂所有舊欠帶徵銀米仍暫停  
追取此朕因江浙二省爲東南重地特於格外施恩  
用弘休養之至意○又覆准浙省杭湖二府屬被災  
之仁和等八州縣應納本年漕糧共三十六萬  
八千九百三十四石零於本年徵收一半其一

大清會典 卷三十一  
半。俟次年帶徵完納。○又覆准。江南地方兩歲被災。將本年應徵一半漕米。於四十八年秋收後帶徵。○又題准。福建臺灣等三縣。連年旱災。將四十六年應徵額粟。於四十七。八。兩年帶徵。○四十八年。題准。山東禹城等二十一州縣。濟南等二衛。大風有傷麥苗。將被災州縣衛。四十七。八。兩年地丁錢糧。暫緩催徵。俟本年秋收後完納。○又題准。河間等府屬州縣。未完四十七年民欠錢糧。緩至四十八年秋成帶徵。四十八年地丁錢糧。緩至四十九年麥收之後。帶徵一

半。俟秋成全完。○又題准。江。淮。揚。徐。屬。邳。宿。等十三州縣衛。本年夏麥秋禾俱傷。其現運漕糧及漕項銀兩。及舊欠漕項錢糧。俱於四十九年秋收後。帶徵搭運。○又覆准。河南鹿邑等縣被災。應徵四月完半錢糧。緩至秋成徵解。○又覆准。浙江德清一縣。被災尤甚。所有應徵未完平糶漕米一萬二千八百六十七石三斗。於秋收後照數徵完。同帶徵一半漕糧搭運。○又

諭。武清等被災十三州縣衛所。本年未完錢糧。著於明年秋收後帶徵。○又



諭。邳。宿等十三州縣一衛。現運漕糧。及漕項銀兩。並舊欠漕項錢糧。俱於明年秋收後。帶徵搭運。○四十九年。覆准。河南省雨水失時。人民乏食。四十八年未完錢糧。於四十九年秋收後帶徵。○又覆准。江南省山陽等州縣。衛。四十八。九。兩年河灘地租。已照民田地丁。一體全免。其四十七年以前舊欠。亦停徵一年。○又覆准。江南江。蘇。等屬。及淮。揚。徐。三府屬。屢經水旱。新舊民欠錢糧。令於五十三年帶徵。○又覆准。江南溧陽縣。四十七年。被災。錢糧既完。其舊欠。照松。蘇。等屬一例於

四十九年秋收後帶徵。○又題准。江蘇等屬四十四。五。六。七。等年未完地丁漕項屯折銀糧。於五十年起。至五十三年。挨次分年帶徵。○又覆准。福州等府屬州縣。雨澤稀少。將四十九年未完地丁錢糧。暫行緩徵。○又兩浙竈地濱海低窪。連被水淹。所有四十七。八。兩年未完鹽課。奉旨。自四十九年起。分作三年帶徵。○又

諭。浙江省四十五。六。七。年舊欠錢糧。分三年帶徵。○五十二年。題准。陝西甘屬。四十九年舊欠銀兩。於五十五年帶徵。○又覆准。四川茂州。本年應徵

錢糧暫行停徵。○五十四年。覆准。直屬地方。雨水過多。春夏青黃不接。艱於粒食。將順天府屬之寶坻。霸州。等州縣。河間府屬之任邱等十四州縣。及武清境內蘆漁課地。今歲未完錢糧。一并緩徵。○又題准。陝西甘屬被災地方五十二年未完錢糧。暫行停徵。○又覆准。陝西甘屬五十三年被災地方共二十八處。歷年未完銀糧。草束。各照數分年帶徵。○又題准。陝西甘屬。今年雨澤愆期。將本年錢糧。暫行停徵。○又題准。浙江杭。紹。等七府屬。並遭旱澇。新舊錢糧。分作

三年帶徵。○五十五年。覆准。蘇。松。等府屬。去年被災。錢糧緩至五十五年秋成後帶徵一半。五十六年全完。○又覆准。浙江。江寧。安徽。等屬被災州縣。衛。現年應徵地丁錢糧。再歷年舊欠漕項地丁銀米。均令緩徵。俟來春麥熟徵報。○五十六年。題准。直隸南和等四縣。五十五年秋被水災。將五十五年未完地丁銀兩。於本年秋成帶徵。○又覆准。江南安徽所屬歷年民欠。值災荒之後。行令該撫。將四十六年至五十四年各項舊欠。分年帶徵。○五十七年。覆准。陝西涼州

衛等一十三處夏禾被災。其本年應徵錢糧。暫行緩徵。○又覆准。福建臺灣府屬三縣去歲旱災。將五十六年正項錢糧。分於五十七。八。兩年帶徵。○又覆准。浙江仁和等州縣。衛所。秋被旱災。將本年錢糧。緩至來歲麥熟後徵收。其五十四年以前所有民屯。尾欠地丁銀米。亦令分年帶徵。○五十八年。題准。陝西靖邊等十堡秋禾被災。其應徵本色糧草。暫行停徵。○五十九年。覆准。江南江蘇等屬。自四十八年起。至五十八年止。倉糧銀米。及衛屯糧。於五十九年起。挨次

分年帶徵。五十五年地丁等項錢糧。於六十二年帶徵。四十七年漕米。於五十九年起。三年帶徵。○又覆准。陝屬五十四。五。六。七。等年未完民欠錢糧。令其分年帶徵。○又題准。陝西固原。平涼。臨洮。等州縣夏禾被災。將本年分額徵錢糧停徵。○又覆准。西安屬之定邊一所。磚井。安邊。鹽場。三堡。地方不雨失收。本年錢糧。已經

皇恩蠲免。其本色糧石草束。暫予緩徵。○又覆准。葭州

並宜川等州縣秋禾失收。額徵草束。照例停徵。○又覆准。浙江金衢二府屬五十八年旱災。其

五十四。五。二年錢糧。於六十年秋成帶徵。五十六。七。兩年錢糧。於六十一年秋成帶徵。○又覆准。山東樂安等十五州縣。安東等六衛所。五十八年秋旱。其未完緩徵銀兩。於六十。六十一。兩年帶徵。○六十年。覆准。直隸。山東。河南。山西。四省被災州縣。令督撫查明應徵錢糧。暫行緩徵。○又覆准。山東壽張等縣被災。本年錢糧。并五十九年未完錢糧。緩至六十一年徵收。其本年未完漕糧。分爲三年帶徵。○又覆准。浙省仁。錢。等縣被災。將五十四。五。六。三年錢糧。於六十一

年帶徵。其五十七。八。九。三年舊欠。挨次三年帶徵。○又覆准。浙省於潛等州縣。衛。被災。錢糧。緩至六十一年麥熟後徵完。○又覆准。黃。沁。兩河水決。長垣。東明。開州。滑縣。田禾被淹。新舊錢糧。俟明年麥熟後徵收。○又覆准。沁河水決。流入東省之壽張。濮州。范縣。聊城。博平等境內。麥豆淹沒。將各州縣六十年未完漕糧。分作三年帶徵。○又題准。陝西西。鳳。延。三府屬夏禾被災。貧民乏食。將六十年額徵糧草。暫行停徵。○又覆准。湖廣沔陽州。衛。夏被水災。田禾淹沒。將五十

九年地丁屯餉銀。緩至六十年秋成後開徵。至五十四。五。六。七。八。等年未完舊欠。自六十年起。分年帶徵。○又覆准。安徽新安衛被災。本年地丁。及各年舊欠。緩至來歲麥熟徵收。○又覆准。江蘇等屬三十三年起。至五十七年未完蘆課銀。於六十一年起。挨次每歲帶徵二年。○又題准。山西平。汾。二府旱災歉收。新舊錢糧。自六十年起。分作五年帶徵。○又覆准。山西潞安府之襄垣等五州縣被旱。新舊錢糧緩徵。秋成完納。○六十一年。題准。山西平陽府被旱。將五十六

等年未完民欠。自六十一年起。分作五年帶徵。汾州府五十八。九。兩年未完民欠。於六十一年起。分作三年帶徵。○又覆准。山東壽張等州縣。其本年錢糧。并漕糧漕項。以及六十年未完民欠。均俟下年成熟之後。分作三年帶徵。○又題准。江南常。鎮。淮。府屬州縣。疊被旱災。本年漕糧。緩徵一半。俟下年帶徵。又海。邳。等州縣被災更甚。本年地丁漕項。緩至秋成起徵。○雍正元年。覆准。直隸開州。長垣。東明。滑縣。四州縣。康熙六十年未完民欠錢糧。自雍正二年爲始。分作三

年帶徵。○又議准。河南衛輝等府屬。夏被旱災。入秋黃水爲患。本年錢糧。及舊欠錢糧。緩至秋收後。再行徵收。○又覆准。山東歷城等州縣。衛所。六十年民欠錢糧。自雍正元年。起分作三年帶徵。○又覆准。山東壽張。濮州等四州縣。衛黃水未退。所有六十一年帶徵。六十年漕糧漕項。自雍正元年始。分作三年帶徵。○又覆准。江南武進等州縣。災田漕糧。緩徵一半。俟雍正二年秋成帶徵。○又

諭。朕惟治民之道。在愛養民力。蓋民力寬舒。則元氣自復。此裕阜之要務也。山東。山西。河南三省。連年田禾歉收。朕軫念窮黎。已發帑賑濟。復將現年錢糧。盡行緩徵。而歷年民欠帶徵之項。若仍行追比。緩新而徵舊。於兆姓終無裨益。目今時雨霑足。秋禾滋茂。登穫在望。俾耕鑿小民。終歲無催歛之煩。家室有蓋藏之慶。則力既有餘。輸將亦易。來年自必急公完賦。戶部將山東省。五十八年。至六十一年。分帶徵未完錢糧。山西省。五十六年。至五十九年。分帶徵未完錢糧。河南省。五十九年。至六十一年。緩徵錢糧。作速行文三省。該撫著俱停徵一年。

務使里井沾恩。吏胥無擾。以副朕愛養民力至意。  
○又覆准。河南開封等府屬五十九。六十年。未  
半完民欠。在停徵之外。亦令於二年帶徵。其六十  
一年未完銀。於三年帶徵。○又覆准。浙江富陽  
等二十九縣。台州衛。嚴州所。秋被旱災。本年應  
徵錢糧。於來年麥熟後徵收。○又覆准。仁和等  
二十一州縣。杭州右。前。二衛。及湖州所。秋旱被  
災。本年錢糧。緩至來年麥熟後徵收。○又覆准。  
直隸正。順。廣。大。府屬四十二州縣。上半年錢糧。  
緩至次年徵收。○二年。覆准。浙江仁和等十二

縣秋被潮淹。本年錢糧。緩至次年麥熟後開徵。

○又

諭。朕軫念民依。時厪宵旰。遇有旱澇災荒。惟恐窮黎  
失所。雍正元年。因直隸。河南。山東。山西。二麥歉收。  
特遣廷臣發粟賑濟。錢糧除被災分數已經蠲免。  
停徵。嗣蒙

天庥。雨暘時若。四省秋成豐稔。少慰朕懷。但念四省頻

歲荒歉。較別省為甚。今百姓元氣方復。若將兩年  
舊欠。并於本年徵收。民力恐不能支。速行文各該  
撫。查明實在舊欠若干。據實題報。分作三年帶徵。

其已收在官者。速飭起解。毋令不肖有司。借端牽混。致滋虧空。○又覆准。河南省康熙五十九。六十年。兩年舊欠錢糧。於雍正三。四。兩年。各帶徵一半。○又覆准。山西省太平。潞。汾。大。五府。澤。沁。遼。三州。歷年未完民欠錢糧。并帶徵銀兩。均分作三股。於雍正二。三。四。等年。每年帶徵一股。○又覆准。福建臺灣。遭匪類蹂躪。五十九年未完稻粟。分作三年帶徵。○又覆准。江南蘇。松。鎮。淮。揚。五府屬之太倉等十四州縣。本年田禾。被風潮淹損。將漕糧緩徵一半。俟三年秋收後帶徵。又海

州地方。今歲被災。更甚於去歲。本年災田漕米。全予緩徵。俟來歲秋收後。徵完起運。○三年。

諭。朕撫育烝黎。務期休養寬裕。俾咸臻安阜。故於各省雨暘節候。時時咨訪體察。無刻少釋於懷。近聞河南。山東。春雨稍缺。朕心深切軫念。雍正元年七月。曾降諭旨。將河南省康熙五十九年。至六十一年。分帶徵未完錢糧。山東省康熙五十八年。至六十一年。分帶徵未完錢糧。俱著停徵一年。雍正二年二月。復念二省去歲秋成雖稔。百姓元氣方復。舊欠新徵。恐難兼顧。諭令該撫。將實在民欠。分作



大清會典 卷三十八  
三年帶徵。以紓民力。今二省春雨未足。民氣未能舒暢。朕念本年正供。方竭力輸將。而分年舊欠。復欲及時完納。民力未免拮据。用是再沛恩澤。著將河南省。康熙五十九年。至六十一年。帶徵錢糧。并雍正元年未完民欠。俱從雍正二年起限。寬作五年帶徵。山東省。康熙五十八年。至雍正元年。帶徵錢糧。爲數更多。著從雍正二年起限。寬作八年帶徵。速行文該撫。查明實在民欠數目。按照年分。以便帶徵。俾閭閻納賦舒徐。以副朕勤恤民隱至意。倘不肖有司。不按年分。預行追比者。卽指名題叅。

從重治罪。其已收在官者。速飭起解。毋令借端牽混。以致侵蝕虧空。○又覆准。長蘆民被水災。鹽餉壅積未銷。應輸正課。勢難責其按季完納。將雍正三年秋冬二季引課等銀二十一萬四千九百七十餘兩。分作二年帶徵。於四。五。兩年。照數徵解。○又覆准。長蘆各場竈地。亦被水災。將雍正三年青。滄。二分司被災十六場額徵課銀一萬餘兩。於雍正四年帶徵全完。○又覆准。直屬霸州等七十三州縣廳所。秋禾淹沒。令地方官查明被水村莊地畝錢糧。緩其徵收。○又覆准。

濟東二府屬禹城等十七州縣衛。天道亢暘。二麥損傷。新舊錢糧。暫緩至秋成後徵收。○又覆准。山東曹縣黃水冲決。沿太行堤田地被淹。應徵新舊錢糧。暫緩至明歲麥熟後徵收。○又覆准。廣東歸善等縣被災。錢糧暫行緩徵。○又覆准。直隸霸州等七十二州縣衛所村莊緩徵地畝。凡佃戶有未完之租。田主不得照常催討。緩至明年豐收之時。一并完納。其未被水村莊地畝。仍令照常納租。不得借端圖賴。致田主徵賦無辦。○又覆准。東省歷城等四十三州縣秋禾

被災。其本年應徵漕米漕項。及臨德二倉米麥銀兩。并德州濟寧東平東昌臨清等五衛所應徵本年河銀漕項銀兩。均緩徵一半。俟下年秋收後。徵完起運。○四年。旨。令。各。道。州。縣。被。災。地。畝。之。錢。糧。照。例。蠲。免。其。餘。應。徵。額。賦。

諭。去秋北方多雨。直隸所屬七十三州縣被水。歉收。朕心深爲軫恤。疊沛恩澤。加惠窮黎。已將七十三州縣被災地畝之錢糧。照例蠲免。其餘應徵額賦。又復停徵在案。朕思一省之中。既有七十餘州縣收成歉薄。則隣封隔縣。必有謀生覓食之人。當此青黃不接之時。閭閻豈能寬裕。若仍照舊徵收錢

糧。民力輸將。未免竭蹶。用是特頒諭旨。施恩於常格之外。將雍正四年通省應徵額賦。一并停其徵收。俾民力寬舒。各得用力於南畝。以副朕勤恤民隱之至意。○又

諭。去歲畿南被水。深軫朕懷。雖截漕發粟。賑糶頻施。然恐小民甫經災沴之後。無力供輸。是以又特降諭旨。將雍正四年錢糧。通省俱令緩徵。夫今年錢糧。尚且緩徵。則從前未完之欠。豈有反急徵之理。今聞地方官。竟有仍追比前欠者。漠視民瘼。莫此爲甚。深負朕憂念斯民之至意。著傳旨直隸總督。

速飭各地方官。凡一切舊欠錢糧。一概緩徵。其所  
有兵餉工料各項需用之處。俱動藩庫銀撥給。不  
得短少剋扣。如地方官仍有私徵等弊。一經察出。  
定行從重治罪。○又

諭。去年山東濟南兗州東昌三府偶有水患。朕心軫  
恤。蠲賑兼施。復將本年漕米。或全緩徵。或緩徵一  
半。以紓民力。今年山東雨水調勻。二麥豐登。民生  
樂業。惟是去歲低窪之處。又經今夏之雨。未必能  
及時播種。可獲全收。查去歲緩徵之米。應於今年  
並徵。誠恐民力艱於輸將。用是再沛恩澤。將去年

大清會典 卷三十八  
全緩之州縣。令其於今年帶徵一半。明年帶徵一半。著山東巡撫轉飭各該州縣實力奉行。務使民力寬餘。以副朕加惠閭閻之意。○又

諭。江南地方。今歲秋冬。雨水稍多。低窪之處。未免減收。目前米價雖平。恐明歲青黃不接之時。價值不免昂貴。朕心軫念。預爲籌畫。已特遣專官。將從前截留糧米。一一清查。會同該督撫商酌。以濟地方之用。又令該督撫。動用正項錢糧。委員於隣省採買米穀。以備積貯平糶之需。朕思蘇松常鎮四府地廣人稠。需米甚多。而四府所屬漕兌。共一百四

十餘萬石。居七省漕糧三分之一。今州縣既有被水之區。恐小民輸納匪易。著將成災五分以上之地畝。應出漕米。緩徵一半。約計將及二十萬石。俾閭閻既寬正額之輸將。而地方又有多餘之米粟。則編戶窮黎。當不慮其乏食矣。其緩徵一半漕米。著於雍正五年秋收後帶徵完納。其不成災之地畝。仍照額徵之數。准其紅白兼收。著將此速諭該督撫遵行。○又覆准。江西南昌等府屬地方被災。錢糧暫行緩徵。○又覆准。東莞等十一縣被水。將存倉穀石賑濟。其錢糧暫行緩徵。○又覆准。

東省鄒平等縣。衛被水。將本年錢糧。緩至來歲  
麥熟後徵收。

大清會典卷之三十八

大清會典卷之三十九

戶部

蠲恤五

積貯 平糶附

國家豫籌民食。直省州縣。各設常平倉。及義倉。社  
倉。歲儲穀米。并聽所在官民捐輸備用。每年出  
陳易新。儉歲穀貴。則減價平糶。法制綦詳。具列  
於後。

順治十一年。

詔。各府州縣。俱有預備常平倉。及義倉。社倉。積貯備荒。  
責成該道員稽察舊積。料理新儲。每年二次造冊報

部。察積穀多寡。分別議奏。以定功罪。○十二年。題准。各衙門自理贖銀。春夏積銀。秋冬積穀。悉入常平倉備賑。置簿登報。布政司彙報督撫。歲底造報戶部。如有假公潤私。隱匿漏報者。督撫查叅。其鄉紳富民樂輸者。地方官多方鼓勵。勿勒定數。勿使胥吏侵尅。及加耗滋弊。○十三年。議准。太和山香稅。留貯常平積穀賑濟。○又議准。積穀賑濟。務令修葺倉廩。印烙倉斛。選擇倉書。糴糶平價。不許別項動支。○十七年。議准。常平倉穀。春夏出糶。秋冬糴還。平價生息。務期便民。如

遇凶荒。卽按數給散災戶貧民。飭有司實力奉行。○康熙十八年。題准。地方官整理常平倉。每歲秋收。勸諭官紳士民。捐輸米穀。照例議敘。鄉村立社倉。鎮店立義倉。捐輸積貯。公舉本鄉敦重善良之人管理。出陳入新。春月借貸。秋收償還。每石取息一斗。歲底。州縣將數目呈詳上司報部。管倉人儲穀多者。題明給頂帶榮身。有官吏掊尅者。照侵欺錢糧例處分。有強派抑勒。借端擾民者。該督撫題叅治罪。○十九年。覆准。直省常平倉穀。留本城備賑。義社倉穀。留本村備

賑。永停協解外郡。○又題准。奉天等處城守尉  
征收雜稅。於米價賤時。購貯。○十八年。平糶。並  
內府。修造倉廩。名曰備米。遇有緊急撥用。○二十

四年。

諭。山海關。古北口。張家口。等處積貯米石。以備蒙古饑

荒。令戶部官監視運送。蓋造倉廩。○二十五年。題准。

黑龍江。默爾根地方。起造倉廩。收貯米石。○二

十九年。

諭。常平倉不必撥給兵米。○又此大官。整頓常平倉。其  
諭。朕撫育黎元。勤思治理。足民之道。宜裕蓋藏。從來水

旱靡常。必豐年恒有積儲。庶歉歲不憂饑饉。如康熙

二十七年。頗稱歲稔。誠使民間經營撙節。早為儲侍。

何至二十八年。偶遇旱祲。室皆懸罄。總因先時無備。

遂至餬口維艱。比蠲除正賦。特發帑金。分行賑濟。所

在官司。悉仰體朕懷。竭力從事。被災之衆。始獲安全。

倘非拯救多方。則糞黎必流移失所。今霖雨時降。黍

苗被野。刈穫在卽。可望有秋。惟恐愚民不知愛惜物

力。狼籍耗費。祇為目前之計。罔圖來歲之需。縱今年

復屢豐。亦難漸臻殷阜。應行直省各督撫。嚴飭地方

官吏。家諭戶曉。務使及時積貯。度終歲所食。常有餘

大清會典 卷三十一  
儲。用副朕軫念民依。綢繆區畫至意。○又覆准。山東霖雨時降。秋成可稱豐熟。本年正賦已奉特沛洪恩蠲免。紳衿士民咸及時樂輸。無論高粱穀石。每畝捐出三合。在各州縣適中大鄉之內。保舉殷實良善之人收貯。以備荒年。止今年舉行一次。○三十年。覆准。直屬所捐米石。大縣存五千石。中縣存四千石。小縣存三千石。倘遇荒歲。卽以此項給散。其留倉餘剩者。俱於每年三四月照市價平糶。五月初旬。盡數解交守道貯庫。九月初旬。各州縣仍領出買新穀還倉。○又覆准。

山西亦照直屬之例。積穀分貯備賑。○又覆准。直屬捐穀。每州縣照前再扣貯一倍。○又覆准。直屬捐米內有高粱。春氣一動。卽易發紅。著卽糶賣。買粟石還倉。以備賑濟。○又

諭。江寧京口等處。大兵駐防之地。著將漕米各截留十萬石。建置倉廩以備積貯。○三十一年。覆准。山東夏秋二季。每畝應捐米麥。秋成後卽令易穀。今并作一次。每畝共捐穀四合。除原有可貯倉廩外。其無倉廩之州縣。交與地方官酌量修葺。將所捐穀石。加謹收貯。○又覆准。江西常平倉存貯



大清會典 卷三十九  
舊米。春間槩行出陳。秋成。每米一石。收買穀二石還倉。○又覆准。福建濱海之地。民間多種稻穀。不比北省多種麥粟。嗣後勸輸稻穀。○又諭。山西平陽等處。麥田大熟。著遣堂官一員前往。照時價採買積貯。○又議准。西安。鳳翔。二府。照山東之例。勸輸均貯。○又議准。各省常平倉。俱照直隸分貯各州縣。州縣官有陞遷事故離任者。照交代收受正項錢糧例。取具印結。有短少者。該督撫題參。照虧空正項錢糧處分。○三十二年。覆准。浙省產麥無多。所收不敷民食。鄉紳士民捐輸。

夏秋并作一次。每畝捐穀四合。如有舊設倉廩。該地方官設法修葺。其無倉基之處。擇空濶寺院。捐修備貯。選誠實鄉紳耆老管理。耕種之時。以一半聽民借貸。限十月還倉。交盤時。照正項錢糧收受。○三十四年。題准。江南捐積穀石。以七分存倉備賑。以三分發糶。俟秋收買穀還倉。○又覆准。將廣東積穀最多之處。酌撥十萬石。運赴省倉。以一半支放兵米。一半遇歲歉備用。○又

諭。積貯米穀。最爲要務。倘能實有益藏。則雖邁凶荒。必

不至於饑餒。但小民不知儲蓄。每於豐稔之年。恣意糜費。一遇歉歲。卽坐困不支。今正值麥石收穫之時。應行各該地方官。勸諭百姓。令各戶量力捐輸積貯。該州縣官將輸納之人。姓名數目。詳記冊籍。其秋禾收穫以後。亦依此例舉行。如春月轉貸於乏穀之民。俟秋月卽照此數償還備用。每歲當收穫時。遵行此捐輸之法。不數年間。米穀充裕。縱使歲偶不登。何至閭閻艱於粒食。大學士等與九卿詹事科道會議具奏。遵

旨議定。令直省各督撫。飭各州縣衛所官員。勸諭鄉紳士民人等。每歲收穫時。令各戶量力所能。不論幾石幾斗。捐輸積貯。若將米麥貸於乏穀之人。俟收穫時。卽照原領米麥之數交納。如有不肖官員。抑勒多收情弊。事發。卽照私派錢糧例處分。每歲收穫時。俱照此遵行。○三十五年。覆准。江南出糶舊穀。於本年爲始。輪年挨次出易。○又覆准。江南於各屬糶三銀內。酌提四萬石。價銀解省。俟秋成時。收買新穀貯省。以爲下年存七糶三之用。○三十六年。覆准。湖廣三十五年分。各官捐輸穀石。貯各屬倉廩備賑。○三十七

年題准直屬實存勸輸存倉米麥高粱久貯倉中恐有沓爛著變價解貯道庫以備賑濟○又覆准四川松潘鎮等處積貯雜糧改爲三分二分存貯以一分遇糧貴借給兵民將此穀按年出易周而復始永著爲令○又覆准山東新泰濱州等十六州縣貯穀缺少滕縣等二十州縣貯穀過多今將滕縣等州縣之穀存七糶三其糶三銀兩分撥存穀缺少之新泰等十六州縣俟秋成購買入倉○四十年題准楚省漕糧二十萬九千餘石盡數截留存於江寧省倉此項

米內動用六萬四千石充給兵食將採買兵米價值照數扣留再動四萬五千石分發淮安等處照時價糶賣以濟民食俟秋成將糶賣米價并兵米扣留價值照數買補還倉其餘存剩米石如不動用仍俟下年循例給兵發糶○四十

諭朕躬理幾務年久深知稼穡之事念阜民之道期於

有備去冬北地少雪今春雨澤微降尙未霑足誠恐蝗蝻易生有傷農事所在官吏亟宜先時預防直隸山東山西陝西河南江北地方歷年積貯倉糧果否

足額。該督撫宜確加稽核。務使廩有餘儲。不致匱乏。其一切應行預備事宜。須悉心講求料理。縱年歲不甚豐稔。亦可賑濟無虞。至直隸各省。現今雨澤有無多寡。着該督撫卽行具摺奏聞。以紓朕宵旰勤民之意。○又題准。陝西西安撥倉米十五萬石。運送臨鞏等處。北路運送五萬石。南路運送十萬石。陸續全運至甘肅所屬盤龍舖瓦雲驛。移咨該撫。將米石速運入倉。毋致浥爛。○又題准。陝西甘屬西寧。乃緊要地方。產米甚少。莊浪。係接連三邊。此二處。俱於西安倉米內。各運送五萬石收貯。

○又

諭。各省府州縣。經管錢糧官員。虧空庫銀。理應照定例處分賠補。其虧空霉爛存倉穀石者。旣經賠完。仍行治罪。似屬太過。且各州縣存貯米穀甚多。倉廩不能盡貯。在各處分貯。况南省地方。又極潮濕。米穀易至霉爛。大學士。與九卿。會議具奏。遵

旨議定。凡官員將存倉一應米穀霉爛虧空者。該督撫題叅。仍照例革職。留任一年賠補完日。免罪復職。如逾一年不能賠完。解任。再限一年賠補完日。仍准復職。如二年外不完。照定例擬罪。着落

大清會典 卷三十一  
家產追賠。如各省州縣虧空霉爛倉穀實在賠補完日。令該管道府具結報明督撫存案。各州縣倉廩如有不敷。該督撫勸諭各官捐造。給與紀錄。以示鼓勵。○四十二年。

諭。聞陝省米糧豐收。不勝忻悅。但山陝不通水路。若稍遇災。卽至艱窘。自古以來。不能使其無災。以備荒爲要。從前屢降諭旨。但督撫等實心周詳籌畫奉行。者。並無一人。今值糧米豐裕之際。無有急於各地方積貯者。務將預備之處。盡心究議。遵

旨題定。將陝西人口衆多之州縣。增貯米三千石。其次州縣二千石。再次州縣一千石。交與地方官採買存貯。動西安司庫兵餉銀十四萬兩。以十萬兩照依時價買米增貯各州縣。以四萬兩蓋造倉廩。其甘屬地方。旣無倉廩。應於常平倉糧內。十分之中動一分。蓋造倉廩。將此項用過糧石缺數。照依原定數目填還。再甘陝二處。照依應徵地丁銀一錢米一斗輸納者。令其捐輸糧三合。以爲備災之用。如遇歉年。停其捐輸。○又

諭。直隸各省州縣。雖設有常平倉收貯米石。遇饑荒之年。不敷賑濟。亦未可定。應於各村莊設立社倉。收貯

米石。直隸有滿洲莊頭。可合數村立一社倉。其管理社倉事宜。令莊頭內有情願經管者。交與收貯。百姓村莊。公設社倉。百姓有情願經管者。交與收貯。以備饑荒。傳諭直隸巡撫。如設立社倉。果有益於民生。著各省亦照例。於各村莊設立社倉。收貯穀石。大學士會同九卿詳議。遵

旨議定。設立社倉。於本鄉捐出。卽貯本鄉。令本鄉誠實之人經管。上歲加謹收貯。中歲糶借易新。下歲量口發賑。○又

諭。社倉事。會面諭直隸巡撫。酌量舉行三年。果否於民有濟。俟題到時再議。○四十三年。議准。各省府州縣。積貯米穀。大州縣存一萬石。中州縣八千石。小州縣六千石。其餘按時價易銀。解存藩庫。其存倉米穀。每年以三分之一。出陳易新。○又覆准。直隸各屬。現存米穀無多。惟南宮。南樂。長垣。三縣過二萬石。其餘州縣。存貯不多。仍令照舊存貯。每年出陳易新。倘值歉薄之年。詳明題請發糶。○又覆准。山西之民。別無他業。惟資田畝。恐積貯穀少。一時需用。購買維艱。每大州縣存穀二萬石。中州縣一萬六千石。小州縣一萬二千

大清會典 卷三十一  
石。○又覆准。江西省州縣大者。止存穀一萬二千石。暫停糶三。○又覆准。江南江寧所屬大州縣。存貯米五千石。中州縣。四千石。小州縣。三千石。其江寧省倉捐米八萬七千餘石。久貯必致浥爛。照常平倉每年糶三。秋成買補。○又覆准。廣東存貯常平倉米穀。照例存貯。多餘米穀。易銀。近省者。將銀兩交貯藩庫。遠者。將銀兩交貯府庫。遇有荒年。准司府將庫貯銀兩。遣官赴隣省豐熟地方採買。運至被災之處。照買價糶賣。至存倉米穀。照例出陳易新。惟潮州府僻處山

陬。或遇荒歉。米粟價值騰湧。令存貯穀四萬八千七百餘石。以備不虞。○又覆准。川省人民稀少。大州縣。貯穀六千石。中州縣。四千石。小州縣。二千石。無容糶三。○又覆准。雲南糶三銀兩。令州縣官員。用印封固。就近解府。俟秋收領銀買補。○又覆准。河南現存穀石。每年將一半存倉備賑。一半借給窮民。○又議准。閩省現在捐輸穀二十七萬餘石。常平倉穀約五十六萬餘石。其內地積穀。仍按原存州縣之額數存留。其常平穀。照依時價盡數發糶。至臺灣一府三縣。遠

大清會典 卷三十九  
在海外。現存捐輸穀八千六百餘石。常平倉穀一十一萬餘石。除每縣應存穀石。其餘盡行發糶貯銀。遇荒歉賑濟。其所存穀石。仍照每歲出陳易新之例。加謹收貯。至臺灣。鳳。諸。三縣。額徵稻粟。自二十三年開徵起。至四十年奏銷止。共存粟米七十餘萬石。爲數旣多。積貯日久。令留二十萬石。爲臺屬預貯三年兵需。其餘存粟。一槩照依時價變銀。收貯府庫。卽以留充本處兵餉。○又覆准。

盛京地方。與各省不同。無容分別州縣大小定數。其九州縣積貯米糧。有多寡不同。錦縣現在積貯六萬石。寧遠州現在積貯五萬餘石。爲數頗多。承德等七州縣。止各存一萬六七千石不等。自四十三年起。將錦寧二州縣應徵米豆。改徵銀兩。解交承德等七州縣買糧。蓋倉積貯。○又覆准。黔省各府州縣。常平倉。現貯米一千二百餘石。稻。蕎麥。共一十八萬餘石。內惟貴安等地方。俱係要衝。且官兵駐劄。自宜多貯。貴陽府存貯稻一萬一千餘石。貴筑縣存貯稻一萬四千餘石。安順府存貯稻八千石。其餘各府屬。有六



大清會典 卷三十一  
千石。及三四五千石不等。俱不足大。中小州縣應存之數。俟捐貯贏餘之日。另請糶賣。○又覆准。川。陝。二省倉糧無多。俟積有贏餘日。再行糶賣。○又

諭。山東省昨歲歉收。江南產米之地。又水路易於輓運。著總河等。卽從江南購買穀石。至東省交倉。○四十四年。題准。陝西存貯常平倉穀石。每年支放官兵餘糧。年久恐致朽爛。嗣後將新收及餘糧存貯。其舊糧照新收之數。換出發糶。○又議准。河南省河南府。居數省之中。積穀以備賑濟。山。陝

之需。令將四十三年漕米。每米一石。易穀二石。共穀四十六萬五千六百石零。於河南府收貯穀二十三萬五千六百八十一石。造倉廩二百九十三間。其餘二十三萬。於近汴近洛之祥符縣。貯穀三萬石。中牟縣。貯穀二萬五千石。汜水縣。貯穀二萬石。鞏縣。貯穀二萬五千石。偃師縣。貯穀二萬八千石。陝州。貯穀二萬七千石。靈寶縣。貯穀二萬八千石。閩鄉縣。貯穀二萬七千石。共造倉廩三百六十四間。嚴飭加謹收貯。每年於青黃不接之時。出陳易新。照依三分之一。借

給民人。秋後還倉。○四十五年。覆准。直屬社倉。四十一。二。三。等年。勸捐米穀共七萬四千九百七十石零。出借窮民。得息米一千五十一石零。又四十四年。永。保。二府。陸續捐穀四百三十五石零。俱貯各屬社倉。係本鄉捐出者。卽貯本鄉。令本鄉誠實之人經管。○四十六年。覆准。州縣。虧空倉穀。知府隱匿。分賠。賠完。府縣一體復職。○四十七年。覆准。福建去歲被災。各處商販稀少。米價漸昂。借藩庫銀兩。於他省採買。存貯備賑。○又覆准。粵東地方。濱海炎濕。各州縣倉穀。

久貯必致沓爛。將存倉穀米六萬石。運貯省倉。預備官兵支用。○又議准。州縣官於額貯積穀之外。買穀貯倉。照盤查贏餘之例。准其議敘。或州縣官捐穀本管倉內。捐少報多。或將現貯之米。捏作捐輸。以邀議叙。後本官任內。復有虧空。事發。除知府照例分賠外。原報贏餘之督撫。一并議處。○又議准。職官將倉穀私借與民。合依監臨主守。將官錢糧私借與人者。計贓以監守自盜論。係雜犯。准徒五年律。不准折贖。所少穀石。仍著落本官追賠。○四十八年。覆准。江浙二

大清會典 卷三十九  
省蓋藏維艱。各該有司勸諭紳士人民。於秋收時遵行捐輸之法。積貯備荒。○四十九年。題准直隸安州存貯漕米十有餘年。恐致沍爛。行令地方官估值發糶。○又題准陝西甘肅存貯米石。歷久恐有沍爛。行令該管官員。糧貴之年。存五糶五。糧賤之時。存七糶三。○又議准霉爛倉糧官員。已經陞任。應革職留於新任。限一年賠完之日開復。○又議准湖南鎮筵地方。僻處苗邊。改協爲鎮。移駐道廳。兵民日增。歲歉恐食不敷。撥司庫銀三千兩。買穀備貯。○五十一年。覆

准。東省將捐穀分貯大縣萬石。小縣八千石。仍於沿河等處。酌留數十萬石。以備隣省撥運。○五十四年。

諭。密雲古北口。各運米一萬石。彼處現有倉廩。著令存

貯。○又題准浙江省平糶漕米十萬石。存貯仁錢等九縣倉廩。開徵新糧之日。難以並貯。在省城廣豐倉之舊址。建造倉廩二百四十間收貯。○又覆准湖北巡撫司道府州縣等官。共捐輸穀三萬五千七百石。按大中小州縣衛所。分發收貯備用。○又議准直省社倉勸輸之例。富民能捐

大清會典 卷三十九  
穀五石者。免本身一年雜派差徭。有多捐一倍二倍者。照數按年遞免。至紳衿若能捐穀四十石。令州縣給匾。捐穀六十石。令知府給匾。捐穀八十石。令本管道給匾。捐穀二百石者。督撫給匾。其富民好義。比紳衿多捐二十石者。亦照紳衿例。次第給匾。捐至二百五十石者。咨明吏部。給與義民頂帶。照未入流品服榮身。凡給匾民家。永免差役。○五十九年。覆准。將河南截留漕米內。撥十萬石。運至西安存貯。○六十年。

諭。去冬雪大。所以今春雨澤甚少。大約冬雪多。則春雨必少。春雨少。則秋霖必多。此非由占驗而知者。朕六十年來。留心農事。較量雨暘。往往不爽。且南方得雪。於田土有益。而北方雖有大雪。被風刮去。於田土無益。今歲山東得雨。而河南山西陝西地方。未甚得雨。備荒最爲緊要。不可不預爲籌畫。若直隸河南山東。易於料理。至山西陝西。補救尤難。古人云。三年耕。則有一年之蓄。九年耕。則有三年之蓄。言雖可聽。行之不易。設立社倉。原屬良法。但亦曾舉行。終無成效。至於各省積貯穀石。雖俱報稱數十百萬。實在存倉者無幾。卽出陳易新之法。不爲不善。然春間僅有所出。

大清會典 卷三十九  
秋收並無所入。州縣官員侵蝕入已。急則卽以折銀掩飾。此等積弊。朕知之甚詳。卽報荒之真僞虛實。朕亦知悉。如熱河所積穀石。每年減價平糶。秋收糴補還倉。數目無多。稽查頗易。所以每有餘糧。語云。大兵之後。必有凶年。昔征勦三逆時。豐收足以供給。並無一州一縣貽悞。平定以後。亦間有歉歲。茲當綢繆未雨。不可不預爲之慮。○又議准。各省州縣。現在存倉米麥穀石。令該督撫嚴查。如有虧空者。勒限補足。務期實貯。以備賑濟。倘有賑濟之時。其存倉米穀虧空事發。將地方有司官員。卽行革職治

罪。暨不行稽查之上司。一併嚴加議處。○雍正元年。議准。常平倉積貯米穀。定例。歲底各省督撫造冊奏銷。如有虧空。卽行題參。今各省存倉米穀。雖有知府。司道。盤查管理。不能保其一無狗私。當責之督撫。核實嚴查。造冊具奏。督撫陞轉離任。將冊籍交代新任督撫。限三個月查核奏

聞。如有虧空。卽行題參。新任督撫。不行據實叅出。後經發覺。一併照例議處。仍令分賠。○又覆准。動浙江庫帑買米三萬石。運廈門收貯一萬石。泉

大清會典 卷三十一  
漳二府各貯六千石。其餘八千石。運赴福州省城。設遇米價稍貴。一面奏請。一面平糶。○又覆准。西安捐賑糧石。支放兵糧。以倉斗支給。如留為備賑之需。以京斗支銷報部。○又覆准。河北三府。麥苗稀少。秋禾未種。小民艱於粒食。將康熙六十一年漕糧六萬二千五百九十石。截留衛輝府存貯。陝州收捐米內。酌撥二萬石。運送懷慶府倉存貯。以備需用。○二年。

諭。社倉之設。原以備荒歉不時之需。用意良厚。然往往行之不善。致滋煩擾。官民俱受其累。朕以為奉行之道。宜緩不宜急。宜勸諭百姓。聽民便自為之。而不當以官法繩之也。近時各省漸行社倉之法。貯蓄於豐年。取之於儉歲。俾民食有賴。而荒歉無憂。朕心深為嘉悅。但因地制宜。須從民便。是在有司善為倡導於前。留心照應於後。使地方有社倉之益。而無社倉之擾。督撫當加意體察。○又覆准社倉之法。原以勸善興仁。該地方官務須開誠勸諭。不得苛派。以滋煩擾。至收貯米石。先於公所寺院收存。俟息米已多。成造倉廩收貯。設立簿冊。逐一登明。其所捐之數。不拘升斗。積少成

大清會典 卷三十九  
多。若有奉公樂善。捐至十石以上。給以花紅。三十石以上。獎以匾額。五十石以上。遞加獎勵。其有好善不倦。年久數多。捐至三四百石者。該督撫奏

聞。給以八品頂帶。其每社設正副社長。擇端方立品家道殷實者二人。果能出納有法。鄉里推服。令按年給獎。如果十年無過。該督撫題請。給以八品頂帶。徇縱者。卽行革懲。侵蝕者。按律治罪。其收息之多寡。每石收息二斗。小歉減息一半。大歉全免其息。祇收本穀。至十年後。息已二倍於

本。祇以加一行息。其出入之斗斛。照部頒斗斛公平較量。社長預於四月上旬。申報地方官。依例給貸。定日支散。十月上旬。申報依例受納。兩平較量。不得抑勒多收。臨放時。願借者。先報社長。州縣計口給發。交納時。社長先行示期。依限完納。其冊籍之登記。一社設立用印官簿一樣二本。一本。社長收執。一本。繳州縣存查。登記數目。毋得互異。其存縣一本。夏則五月申繳。至秋領出。冬則十月申繳。至來春領出。不許遲延。以滋弊竇。每次事畢後。社長本縣。各將總數申報

大清會典 卷三十一  
上。司。如有地方官抑勒那借。强行糶賣侵蝕等事。許社長呈告上司。據實題叅。○三年。諭。古者視土之上中。爲儲蓄之節。蓋爲民經畫久遠。不爲一時苟且之計。積之於豐年。用之於歉歲。所謂有備無患。法良而意美也。朕自臨御以來。宵旰勤求。無刻不以民依爲念。乃重農積粟之詔屢下。而閭閻率少蓋藏。官倉亦多虧缺。卽如直隸保定等府。去歲頗稱有秋。今春二麥亦熟。乃以夏秋雨水過多。田禾被澇。而民間遂有饑色。幾至流離。若非多方賑恤。窮民必致失所。此皆草野無知。食不

以時。用不以禮。但快目前之有餘。罔計異日之不足。一遭旱澇。追悔無從。至於常平等倉。原爲備荒而設。乃有司奉行不力。多至缺額。罪何可逭。茲據江南。浙江。江西。湖廣。福建。河南。山西。陝西。廣東。廣西。雲南。貴州。等省督撫。報稱今歲秋成八九十分不等。朕覽奏不勝慰悅。又重爲吾民計及長久。宜及此時。講求儲蓄之道。以備將來。該督撫等可轉飭有司。徧行曉諭。務須撙節愛惜。各留有餘。預爲他時緩急之需。社倉之法。亦宜乘此豐年。努力爲之。勿但視爲虛文故事。朕爲吾民籌畫養贍之道。



大清會典 卷三十一  
三  
惓惓於懷。無時或釋。而吾民自謀其身家。若但苟且因循。不復長顧遠慮。則重負朕軫念元元之意矣。至於州縣倉儲。向有虧缺者。若不乘此豐收之時。速行買補。將來發覺。斷不姑貸。慎之慎之。○又諭。積貯倉糧。特爲備荒賑濟之用。但南省地方。甚屬潮濕。米在倉一二年。便致霉爛。實難收貯。改貯稻穀。似可長久。應否改貯稻穀收貯之處。著詳議具奏。遵

旨議定。江安。閩。浙。湖。廣。江西。四川。廣東。廣西。雲南。貴州十省。內除安徽。但有稻穀。原無存貯米石。及浙江。福建。倉米有限。無容改易。其湖南。湖北。四川。江西。四省存貯米石。皆在五萬石內外。令於一年內。改換稻穀。江。淮。截漕米。廣東存倉米。皆八萬餘石。廣西存倉米十萬餘石。零。分作二年。改換稻穀。雲南米五十七萬餘石。貴州米四十萬餘石。一二年內。不能盡行改易。每年雲南應給兵糧十四萬九千六百餘石。貴州兵糧九萬五千六百餘石。卽將二省存倉之米支給。至秋成時。於額徵內。徵收稻穀補項。雲南存倉米石。四年內盡可改換。貴州三年內盡可改換。令各

大清會典 卷三十九  
地方官添造倉廩。以備收貯。○又議准。州縣倉糧。凡遇出陳易新之時。令佐貳官公同收放。如州縣私自糶賣。佐貳官不據實通報。扶同隱匿。一併議處。○又覆准。河南社倉。預造排門細冊。將姓名年貌住址。以及官紳士庶商賈。逐一註明。送官用印存案。日後借貸。悉以此爲準。其游手好閒者。不許借貸。於正副社長外。再公舉一身家殷實者。總司其事。令其不時查察。如有欺隱。令其賠償。果能使倉儲充牣。題請准給令欽恩典。以示激勸。此項積貯。無論官員不得撥用。卽同

邑之社。亦不得以此應彼。如有官員抑勒那借。許社長呈告上司。據實題叅。其所需一切紙張筆墨。以及人工飯食。或行勸輸。或撥罰項。以充其用。不得濫行科斂。致滋擾累。至積米旣多。於夏秋之交。平糶。秋成照時價採買還倉。○又覆准。州縣虧空倉穀。令接任官於秋成穀賤之時。申覆督撫布政。酌動錢糧。照時價先行買補。該州縣出具倉收。該管道府加具印結。一面報部。一面於虧空人員名下。勒限一年。將動用銀兩。照數追補。如逾限不完。卽照侵那倉穀定例治

大清會典 卷三十九  
罪。仍著落本人家產。變易還項。○又覆准。江安。閩。浙。湖。廣。江西。四川。兩廣。雲。貴。十省。所存米石。俟改穀既完之後。每年額徵應給兵糧。仍收米石。餘悉改徵稻穀。各省均照此例。其有虧空倉米者。亦令悉以稻穀追補還項。凡有需用。挨年先碾舊穀支給。倘需用米多。一時礮碾不及。應給米一石者。給穀二石。○又覆准。晉省存倉米石。悉照奏銷兵馬錢糧成例。每穀一石。抵米六斗。易穀入倉。其民欠及虧空米糧。亦令照例改折。交倉存貯。至糜子蕎麥等項。各處出產不同。

令該撫嚴飭各屬。確訪時價。易穀入倉。不得故爲低昂。希圖肥己。偏僻小縣。暫行米穀兼買。陸續易穀入倉。○又覆准。河南存倉米麥。糶賣後。秋收卽將米價買穀。分貯穀少之州縣。至民欠未完。虧空買補各項。亦以一米二穀徵收。追補還倉。○又覆准。四川倉米。富順等縣。改易稻穀。茂州素不產米。向貯米二百石。令易蕎糧六百石。其建昌衛之左所米石。令搭放兵米。徵稻穀還倉。松潘衛存貯軍需米石。勻作兩年平糶。另買新米貯倉。五年更換一次。○又

大清會典 卷三十九  
諭。湖廣爲產米之鄉。穀石最宜多貯。將來運往別省。皆爲近便。今查湖廣通省存倉之穀。僅數十萬石。爲數無多。今歲湖廣收成豐稔。著卽行文該省督撫。令其動支庫銀十餘萬兩。遴委賢員。採買穀石。於省倉及府州縣應貯之處。加謹收貯。此時陸續採買。不可因官價一時採買。致令穀價騰貴。設若民間穀價稍昂。卽停止。俟明年再行採買。江南浙江。今歲俱獲豐收。著各該撫就近商酌。若亦可動項採買穀石有益。卽著一面採買。一面定數奏聞。  
○四年。兩淮衆商公捐銀二十四萬兩。又備鹽

院公務銀八萬兩奉

旨。以二萬兩賞給兩淮御史。以三十萬兩爲江南買貯米穀蓋造倉廩之用。所蓋倉廩賜名鹽義倉。卽著兩淮御史。交與商人經理。遵

旨議定。於揚州府治建倉積貯。每年於青黃不接之時。照存七糶三之例。出陳易新。或於米貴之時。開倉平糶。總至秋成糶補。倘地方有賑濟之用。各該撫一面具題。一面動支。管理之商人。每年將出易糶補動支之數。呈報巡鹽御史。該御史核實奏報。其出陳易新平糶平糶之內。或有贏

大清會典 卷三十一  
餘。卽以增買米穀。○又

諭。聞山東青。登。萊。三府連年豐稔。此時商販之米。自東而西者。絡繹不絕。著山東巡撫酌量動用帑銀。委官購買。分貯於濟南等屬米少之州縣。再勸諭各商販等。多運米石。至濟南三府。俾民間得以收買存貯。則明歲青黃不接之時。米價不致騰貴。實預籌足民之善策也。○又議准。前奉

旨命江西撫臣運米十五萬石。以濟閩省。江西已經運五萬石。尚有十萬石未經交運。令江安。二撫將未徵漕米十萬石。改徵穀十萬石。從海運赴

閩。其江西應運之米。至明歲秋成運還江安。令江安。二撫酌量分發貯倉。以備賑濟之用。○又

諭。今歲江南地方。秋雨稍多。其江安所屬被水之州縣。已令該督撫轉飭有司。確查賑恤。務使小民得所。但聞入冬以後。時有陰雨。積水未消。秋麥未能及時耕種。恐交春米價漸昂。而青黃不接之時。更須爲籌及。况蘇。松。戶口繁多。民間食米。多取給於外販。尤當早爲留意。查江安糧道。有存貯還漕一項。約計二萬八千餘石。安慶。廬州。鳳陽。淮安。四府。各有分貯存留之項。共計九萬餘石。此米原爲地

大清會典 卷三十一  
方備用而設。但恐年月已久。未必實貯在倉。應差京官一員。前往確查。並會同江南督撫。作何分別留運平糶之法。以濟民食。但江南地廣人稠。恐需米之處。此數未必敷用。必設法多貯。方覺寬裕。其應作何採買運送備用之處。著九卿速議具奏。遵旨議定。江南地廣人稠。需用米穀。倍於他省。動帑買運。以濟民食。恐稽時日。暫照河工議敘貢監之例。將銀兩改爲本色米穀。每銀一兩。收米一石。或穀二石。隣省之人。亦准捐輸。不論梭和紅白兼收。行文江南總督。蘇州。安慶。巡撫。一面動支

正項錢糧。委員於出產米石地方。照依時價採買運送。其採買若干。運貯何地之處。該督撫公同商酌妥議具奏。一面行文隣省。并出示曉諭本省生俊。令其急公赴輸。且分別府州縣之大小。酌量應輸米穀之多寡。俟各該處應貯米穀捐足之日。卽行停止。其所收米穀。加謹存貯。按季造冊報部。如有私自收取折銀。并勒索包攬情弊。卽行指名題參。從重治罪。此所貯米穀。有應用平糶賑散出借之處。該督撫一面具題。一面卽行動支。將動用數目。報部查核。○又覆准

大清會典 卷三十一  
蘇。松。常。三府。買穀八萬石收貯。○又覆准。浙江  
寧波。金華。等府。買穀五萬五千餘石分貯。○又  
覆准。杭。嘉。湖。等府。動司庫銀十萬兩。買穀分貯。  
○又覆准。四川。建昌。龍州。倉。照舊收貯米石。以  
備接濟兵食之需。○又覆准。廣東。生齒繁庶。家  
鮮蓄積。將羨餘銀兩。造倉買穀運貯。於南澳。鎮  
各營。貯五千二百石。潮州。鎮各營。貯六千二百  
石。提標五營。貯五千石。督標各營。貯七千石。每  
兵一名。約存穀一石零。借給各兵。其有餘者。不  
必借給。○又覆准。將桂林等六府屬積穀。分撥  
以備動用。○又

三十萬石。運赴廣東。交肇慶府倉。并省倉。收貯  
以備動用。○又  
諭。福建。廣東。二省。地處極邊。米穀應作何貯備。著九  
卿會議具奏。遵

旨議定。閩省。於臺灣常運平糶米五萬石之外。動正  
項錢糧運米十萬石。存邊海地方。若遇臺灣豐  
收之年。再酌量加增運貯。仍令臺灣商販。得至  
福。泉。等府貿易。至廣東。於通省府。州。縣。存倉穀  
石數多者。開倉平糶。卽將價銀交穀少之州縣  
買穀存貯。其有虧缺者。嚴迫完補。再將廣西桂

林等府捐穀糶三價值。不必買穀還倉。仍採買穀石。運交廣東分貯。○又覆准。陝西倉糧。久未糶賣。令於每年二三月內存七糶三。至八九月買補還倉。○又覆准。將西安司庫存貯耗羨銀動五萬兩。於省城并附近州縣買穀存貯。○又覆准。山西動銀四萬兩。買穀分貯太平。潞。大。四府各州縣。酌定數目。其素無蓄積。并向來積貯不多。務購買充足。於青黃不接之時。糶賣銀兩。解貯司庫。秋收時。領出買補。嗣後五年之內。每年准動庫銀四萬兩。照數買貯。責令知府。直隸

州。盤察。如有侵那等弊。令其揭報。該州縣力行三年。出納盡善。督撫保題議敘。盤察官如有徇隱不報。一并題叅。○五年。議准。嗣後各省常平倉。每年春間借出穀石。秋收後勒限征比。務於十月底照數完納。造具冊收送部。歲底。令知府直隸知州。親往盤查。其府州倉穀。責令該管道員盤查。出具印結申報。如逾限不完。或捏造冊收。卽行揭叅議處。在該員名下。照數追賠。仍令欠戶照數完納。如係頑紳劣衿奸牙積蠹。將佃戶家人姓名影射。每名借穀四五斗。零星領出



入已。積至二三十石者。其紳衿卽行黜革。所欠穀石。加倍追還。仍照抗欠錢糧之例。枷責治罪。牙蠹卽拿究。所欠穀石。亦著加倍追還。枷責治罪。其代爲造冊之鄉保地方。嚴審有無受贓。分別治罪。如該管上司不行揭叅。照徇庇例議處。再。倉穀出糶之時。不無奸商勢豪。串通牙蠹。捏名影射。零星糶出。囤積射利。地方官若不嚴行查禁。該督撫卽行指名題叅。照溺職例議處。或有不肖州縣。以糶借爲名。掩飾虧空。該督撫卽行指名揭叅。嚴審是侵是那。分別定罪。該管

道府直隸知州。有不時盤查之責。如有徇庇隱匿。亦卽題叅。照例議處。將所虧倉穀。著落分賠。如道府直隸知州已經揭報。而督撫不行題叅者。將督撫亦照徇庇例議處。所虧倉穀。亦照例分賠。○又議准。湖廣鹽商捐買穀銀十萬兩。令湖北分買穀價銀六萬兩。湖南分買穀價銀四萬兩。分發各府。飭令就近採買存貯。其倉廩所需工料。每間估銀三十五兩。武。荆。二府。蓋倉四十間。漢。黃。等六府。先蓋倉二十間。共需銀七千兩。於鹽商捐修荆江堤工銀內借支。於常平開

捐倉費項下補還。并行令該撫將各商姓名報部議敘。

凡平糶。順治二年。江西水旱災荒。發倉米三千餘石。減價糶賣。以濟饑民。○十七年。覆准。災荒地方。鄰境豐稔。糶糶米糧。各聽民便。勿得禁止。亦不許居穀射利。○康熙十八年。覆准。荒歲有富商大賈。積貯穀糧者。地方官勸諭。令及時發糶。○二十八年。覆准。湖北被旱。米貴。動司庫餉銀二萬兩。購買米穀。到楚之日。平糶。○三十一年。題准。直隸永平所屬。及豐潤。玉田等處。去歲

薄收。奉天地方。屢登大有。暫啟關禁。數月。不准大車裝載。許令肩挑騾馱。進關轉糶。○三十二年。

諭。朕意今年京城近畿米穀。雖未豐收。所獲尚足民食。不致艱難。頃朕謁

陵。沿途觀看民生。今歲雨水頗多。米穀失收。米價亦貴。目今米價既昂。來春至夏。米價愈加騰貴。民食必致艱難。此朕所親見。不得不預為籌畫。朕欲將通倉米石。每月發出萬石。比時價少減糶賣。糶賣之時。止賣與糶買數斗之窮民。不許賣與多收販賣之人。○又

大清會典 卷三十一  
諭。今歲盛京穀石失收。糧價甚貴。來年春夏。恐糧價更貴。必致窘迫。亦未可定。運糧之處。亦著預議。自盛京錦州。乘海船往山東。水路甚近。今歲山東地方年成豐熟。俟來年冰解。著盛京戶部侍郎。親身由海前往山東。會同山東巡撫。將附近地方米石。多多發出。由海運至三岔河。販賣與無糧之人。○三十三年。

諭。各州縣積貯米穀。減價發糶。於民生大有裨益。霸州等被災地方。所有積穀。除散賑外。餘著減價發糶。其沿河一帶景州等各州縣。衛。著將山東漕米。每處截留二千石。亦發糶以平米價。戶部行文該撫。責成州

縣官。實心奉行。務使小民均沾實惠。朕不時遣人稽察。如小民不沾實惠。將該管官一併從重治罪。決不寬宥。○又

諭。去歲將通倉米石。每月發出一萬石。平價糶賣。民間大有裨益。今年通州附近田禾歉收。應照去歲每月發米一萬石。著倉場侍郎。親身監看。平價糶賣。○又  
諭。密雲縣田禾失獲。今年水大。速令倉場侍郎。將倉內所有粟米。乘有水時。作速輓運至各縣平價糶。密雲縣一萬五千石。順義縣五千石。○又

諭。密雲。順義。附近地方。今年田禾失收。其散給民間收

大清會典 卷三十一  
存米石。照常糶賣外。朕令其運送存貯米石。每月發出一千石。著平價糶賣。○三十六年。

諭。將通倉米。運至天津一萬石。寶坻三河二處一萬石。照時價糶賣。○又覆准。直隸三十五年春季糶賣米穀。於三十六年秋收後。買補還倉。○三十七年。

諭。著戶部保舉司官二員。與沿河被災之保定。霸州。固安。文安。大城。永清。安州。新安等州縣。將山東。河南。漕糧截留。每處運送一萬石存貯。照時價糶賣。○三十

八年。

諭。朕君臨天下。期於黎民樂業。各獲其所。凡興利除害

之事。靡不舉行。蠲免賑濟之恩。靡不下逮。比年以來。因淮揚所屬地方。疊罹水患。業已歲蠲額賦。賑恤頻施。又動支數百萬帑金。責令在河諸臣。於應挑應築之處。酌量修理。使氾濫之水。匯歸入海。被淹之廬舍田畝。盡皆涸出。用底幹寧。乃錢糧竟爾虛費。卒不能使積潦有歸。田廬未涸。民生未遂。朕聞之惻然軫懷。值茲四海無事之時。欲將一切修舉事宜。詳閱指示。用是躬親臨幸。沿途審視河水之勢。咨訪地方父老。惟是被淹地方。米價翔湧。生計維艱。朕目擊民依。深用厯念。著漕糧截留十萬石。於高郵。寶應。興化。泰州。

鹽城。山陽。江都受災七州縣。各留一萬石。悉較時價減值發糶。餘米三萬石。著於邳州留八千石。宿遷。桃源。清河。安東。四縣。各留五千五百石。亦較時價減糶。此各州縣發糶之米。著就近交與漕運總督。河道總督。邳州著遣司官一員。前往監視。○又覆准。直屬固安。永清等縣。秋被水災。將上年糶剩漕米。減價平糶。○又覆准。江南於存貯漕米十萬石之內。動四萬石。於邳州。山陽等八州縣。各糶米四千石。宿遷等四縣。各糶米二千石。減價以濟平民。○又覆准。淮揚地方米貴。再動漕米四萬石。減

價發糶。○又議准。淮揚地方小民。尚艱於粒食。且爲河工人等聚集之所。需米甚多。將所剩六萬石。照前例減價發糶。○四十年。題准。江南截留湖廣漕米二十萬九千餘石。動支四萬五千石。分發淮安各處糶賣。再動支六萬四千石。充給兵食。○又覆准。甘肅鞏昌府屬。夏秋二次歉收。將存貯米石。十分減二。糶與被災窮民。再動支一萬石。於明春。將隴西縣重被冰雹災民。每戶散給五斗。以爲籽種。○四十一年。議准。山東積貯倉穀。除前賑濟外。行令該撫於春耕時。選

大清會典 卷三十一  
委才能官員。照時價稍減平糶。以濟窮黎。所糶銀錢。俱交存司庫。俟秋收後。照數糶買新穀入倉。○又議准。西寧米價騰貴。運西安糧米。照時價十分減三糶賣。俟明秋照數還倉。○四十二年。議准。山東省截留漕米。將二萬石。運至泰安州賑糶。二萬石。運至兗州府屬賑糶。俟來年秋收後。照數買補還倉。○又覆准。河南收成六七分地方。將倉糧減價平糶。無力糶買貧民。照例借給。○又覆准。將通倉米石。挨陳。於本年八月起。至次年麥收時止。按月發出一萬石。照時減

價糶賣。○又議准。山東東昌等四處截留漕米。并海運米石。養濟旗員。糶買散給民人外。仍交與地方官平糶。○四十三年。議准。直隸所屬米價騰貴。將各州縣所存米石。量減平糶。俟秋成時。購買存貯。如有富室指稱窮民。於中居積射利。查出治罪。不肖官員。將穀私行那移。虧空。擅稱減糶。該撫卽行指叅。○又議准。直隸河間府沙河橋。收貯米石短少。不能接賑。行令該撫。將平糶米價。及各省捐俸買補賑濟米銀內。撥五萬兩。選擇廉幹之員。在糧賤處收買。分貯附近

河道之處。如遇米價昂貴。轉運平糶。○又題准。雲南省會之區。兵民雜處。每至青黃不接之時。米少價貴。嗣後每歲動支公項銀二萬兩。採買米石。比時價平糶。○四十四年。覆准。將保定存貯截留漕米。照時價發糶。○四十五年。覆准。直隸米價漸昂。將常平倉米穀。暫動十分之三。量減時價糶賣。如米穀少之州縣。卽於附近酌撥運糶。○又覆准。陝西漢中府屬九州縣。額徵屯糧。除支給兵餉外。每年餘剩六千餘石。今將現在歷年所積糧石。存七糶三。嗣後每年餘剩之

糧。將新糧入倉。陳糧照數糶賣。○四十六年。覆准。將獻縣等處存貯米穀。撥運永清等縣。米貴之日發糶。○四十七年。題准。直隸順。廣。大三府屬。及河間府屬之寧津縣。天津衛。秋被旱災。動常平倉穀十分之三。減價平糶。○又覆准。江寧等府屬。截留漕米平糶。因二麥登場。議將糶剩青黃米石。分貯州縣。今自五月以來。雨水連綿。湖廣江西等省。又禁止米石出境。以致米價漸貴。將賣餘米石。仍行平糶發賣。其湖廣等處。停其禁止販賣出境。○又覆准。截留漕米。糶與貧民。以

大清會典 卷三十九  
一石之米。分量數十處。頗多折耗。每石加耗三升。○又

諭。聞江南地方。米價甚貴。現今一兩六七錢不等。若至青黃不接之際。恐價復漸長。民食益艱。目前江西湖廣漕船。已將抵江南。應截留三十萬石。江寧。蘇州。松江。三府各留十萬石。減價平糶。於民間大有裨益。所糶之米。仍於本歲購買楚米補償。則倉糧亦不至虧折。○又

諭。截留米數尚少。常州府著再截留五萬石。此外應否有截留米石之處。大學士會同九卿詹事科道議奏。

遵

旨議定。將江西漕米。截留三十萬石。湖北。截留五萬五千石。湖南。截留四萬五千石。於江寧。蘇州。松江。三府各貯十萬石。常州五萬石。鎮江二萬五千石。揚州二萬五千石。於各府屬州縣。減價平糶。行令江西。湖廣。巡撫。於秋收後。動藩庫銀購買楚米。補償原數。於來歲搭運赴通。其江寧等處糶賣銀兩。彙解戶部。○四十八年。議准。浙江寧紹。二府。人稠地窄。米少價騰。溫。台。二府。上年豐熟。價賤。給與溫。台。殷實商民買米印照。開明米



大清會典 卷三十一  
數。勒限繳銷。將所買米石。從內洋運入寧。紹。二府。平價糶賣接濟。俟秋收米價漸平。該撫具題。停止販賣。若有借此販賣外洋者。巡海防汛官員。不時查拿。從重治罪。○四十九年。

諭。江南蘇。松。等府屬連年水旱。著將藩庫現存銀內。酌撥隣省各處米賤之地。照依時價購買。務於三四月內運回。分發被災各屬。減價平糶。○又

命湖南省買穀。於青黃不接之時。減價平糶。俟秋成後買補還倉。○又覆准。閩省晚禾歉收。於藩庫內動銀二三萬兩。前往浙江。廣東。買米。運回平糶。

○又覆准。福州等府。米價漸昂。將所存積貯穀糶賣。其廈門地方。將臺灣穀石。酌量借撥。○五十年。覆准。福建臺灣府所屬正供米。久貯五六十萬石。令及時平價糶賣。○五十一年。覆准。偏沅鎮。算鎮。積貯穀石。每石減價照數出糶。○五十二年。議准。江南鳳陽等屬麥收歉薄。將本年官役俸工銀兩。暫借赴楚購米平糶。○又

諭。浙江今歲歉收。將捐納米十萬石。仍留浙省備用。江南捐納米十萬石內。作速將五萬石運至福建。五萬石運至廣東。米到日。卽行平糶。毋致浥爛。○又覆准。

大清會典 卷三十九 戶部十七  
三  
百數將江西省。自康熙三十五年起積穀。減價出糶。  
○又議准。江西豐城等縣。江水陡漲。田禾淹沒。  
於米貴之處。量撥倉穀平糶。○又覆准。湖廣長  
衡永三府屬米價騰貴。將三府屬存貯倉穀。照  
數減糶。○又覆准。閩省四十三年以前常平倉  
穀。照數減價發糶。價銀解貯司庫。去歲漳泉等  
屬歉收。將此項銀兩。委員於鄰省豐熟之處。速  
行買運。照府州縣分別大小。發糶平價。○又覆  
准。廣東廣州府。人民稠密。本地產米不敷。將附  
近可通水道州縣積貯倉穀。照依存七糶三之

例。捐給水脚。運赴減價平糶。○又覆准。廣東歉  
收。米價騰貴。動藩庫銀一萬兩。前赴湖南買米。  
運至本省平糶。○五十三年。覆准。浙省米價漸  
長。動截留漕米內一萬石。在杭州平糶。○五十  
四年。覆准。差部院才能司官四員。運米二萬石。  
至密雲古北口平糶。不許賣與富戶客商。每戶  
買米不得過一石。○又議准。浙江去歲薄收。米  
價騰貴。將截留漕米九萬石。酌量分給各縣平  
糶。○五十五年。事奉欽正。民味十日。明故京

諭。京畿左近。至此時雨水未足。朕心甚屬躊躇。京城地

大清會典 卷三十九  
方。非別處可比。今值亢旱之際。若不先事擬議預備。爲君爲臣者。所理何事。著於五月初十日。卽於京城減價糶賣米石。若有應議之處。各出所見議奏。遵

旨議定。五城所賣米五萬石。俱已賣完。今每城發米各六千石。共米三萬石。交與原派賣米官員。仍照前減價糶賣。○又覆准。河南山東。此二年大收。京城麥價未見甚減。皆由富商人等。預行收買久貯。不得均糶所致。行文山東河南巡撫。查明由水路北來賣給商賈麥穀數目。每月繕摺奏聞。仍行知會直撫。凡本處商賈。有多買久貯者。嚴行禁

止。其已至直隸麥穀數目。亦令直撫查明。每月繕摺奏

聞。除沿途照常買賣外。富商人等。有多買久貯。亦令嚴行禁止。沿途地方不肖官役。或有借名稽察。留難勒索者。該撫題叅治罪。○又

諭。熱河米價。每石一兩七錢。甚爲騰貴。著將熱河之倉。及唐山營所貯米石發出。另立一廠。每石定價一兩。賣與跟隨人買者。令各頭目率領。不許多買。其賣米銀兩。秋收後買米還倉。○五十八年。議准。江南淮揚所屬。秋禾水淹。將分貯鎮淮二府米。派發減價

大清會典 卷三十九  
平糶。○又覆准。浙江杭州等府屬。雨澤愆期。將存漕米石。酌撥減價平糶。○又覆准。山東青萊登。三府屬沿海一帶。地畝低窪。禾苗被淹。將存貯倉穀。酌給平糶。○又議准。湖南鎮筸地方。借司庫銀三千兩。買穀貯倉減糶。自五十七年起。每年於糶穀價內。扣還六百兩。均作五年完納。○又覆准。閩省產米甚少。數年捐積一百四十八萬餘石。今泉漳二府米貴於往日。酌量各地方需用米數。分別府縣貯穀數目。撥發減價平糶。○六十年。

諭。發京倉米五萬石。於五城減價平糶。○又諭。禁止買米居積。係府尹專職。著嚴行禁止。亦著交與提督。八旗都統等。嚴行禁止。○又

諭。直隸正順廣大四府少雨米貴。著截留漕米。自廣大二府陸路運至正順地方糶賣。○又

命該督委道員前往大名等府查看倉糧。及米糧時價。

將倉糧減價糶賣。○又議准。京倉積米年久。官

兵不願領支。令倉場總督查明。擇其可食者。令

地方官運往米價稍昂之處。分別米色高下。減

價平糶。○又覆准。江南上元等州縣。秋被旱災。

大清會典 卷三十一  
將分貯江蘇鎮淮四府米石。量動一半。於來歲青黃不接時平糶。○又

諭。陝西省冬春雨雪愆期。秋成難望。其河南運米十萬石。借支駐防兵糧。湖廣所運米十萬石。速催運到。酌量平糶。○六十年。覆准。京城米價漸昂。行令倉塲。二批發粳米二萬五千石。梭米二萬五千石。交五城御史。分發舖戶平價糶賣。再發粳梭米二萬石。批督交與大宛二縣。設廠平糶。○又覆准。五城另設米廠。令御史親身監糶。不必限定數目。自一二升以至一二石。聽其糶買。務使小民均沾實惠。

○又

諭。據直隸巡撫奏。欲將收貯正定順德各州縣四萬石米平糶。其餘州縣。如有米貴之處。亦將倉糧平糶十分之三。俱俟秋收後買補還項等語。去年各州縣收貯莊頭等所交米石。部內曾遣司官會同地方官糶賣。其糶賣銀兩。至今尚未交完。據此。各州縣收貯倉糧。俱無實在。平日積貯。原為備荒而設。今值青黃不接之時。固應平糶。但州縣虧空倉糧。不過糶賣數石。即借此掩飾伊等虧空。而倉糧既虧。百姓從何糶買。並無益處。存倉米穀。果如數全有。即照該督所請糶

大清會典 卷三十九  
賣。倘朕遣大臣查看時。州縣並無米穀。黎庶不得糴買。將州縣官卽行正法。該管上司從重治罪。○是年十一月。

諭。今米價仍然騰貴。口外米石進口。不必攔阻。令其進口販賣。將燒鍋嚴行禁止。○雍正元年。

諭。朕自御極以來。宵衣旰食。無日不以民依爲念。督撫以下。守令以上。凡有地方之責者。皆宜公忠體國。仰副朕心。今年夏月。朕以北省二麥歉收。差員到南省。於秋成後採買米石。以備賑貸平糶。朕意切於爲民。正欲酌盈劑虛。以羨補不足也。又恐有

不便於民之處。差員臨行之時。再三申諭。地方米多。方可採買。不必定要買足。今聞各省地方官。因欽差買米。禁止商販不許出境。大負朕痼瘼一體之意。甚屬不合。况浙江及江南蘇松等府。地窄人稠。卽在豐收之年。亦皆仰食於湖廣江西等處。今秋成歉收。若商販不通。亦致米價騰貴。該部速卽行文各省總督巡撫。凡有米商出境。任便放行。使湖廣江西安慶等處米船。直到蘇州。蘇州米船。直到浙江。毋得阻撓。庶幾有無流通。民皆足食。以副朕愛養元元之至意。○又

大清會典 卷三十一  
諭。山西平定州等處。山多田少。粒食維艱。小民向賴  
陶冶器具。輸運直省。易米以供朝夕。向聞直隸州  
縣。因米貴禁糶。此方百姓。何以仰給。昔春秋時。諸  
侯各君其國。尚申遏糶之禁。今天下一家。海內之  
民。皆吾赤子。自宜緩急共濟。豈有坐視隣封乏食。  
反行禁遏之理。目今凡鄰近郡邑。偶遇荒歉。卽相  
賑恤。毋得各分疆界。漠不相關。其所當禁者。富戶  
規利販米。動盈千萬。又沿海數省。運米出洋。玩法  
網利。該督撫提鎮。當著實嚴查禁止。至肩負小民。  
貿易度日。悉從民便可也。著直隸巡撫。曉諭鄰近

平定州等處州縣。不得禁糶。以副朕一視同仁之  
意。并諭直省各督撫。通使知悉。○又題准。將

盛京所貯糧石。自海運至天津十萬石。照時價稍  
減糶賣。所賣銀兩。交

盛京戶部充餉。○二年。

命山東。河南。各運米四萬石。安徽。運米五萬石。交江  
蘇巡撫。分發各屬平糶。湖廣。運米十萬石。江西。  
運米六萬石。交浙江巡撫。分發各屬平糶。○又

諭。山東。河南。二省。壤接江南。可速動司庫銀兩。買米  
四萬石。陸續運交蘇州平糶。所糶之銀。仍移還補

大清會典 卷三十九  
庫。○又議准。安徽壽州等州縣。收成歉薄。於安慶府留貯漕米十萬石內。動米四萬石。減價平糶。俟秋收買補還項。分貯鳳陽府二萬石。廬州府一萬石。其餘一萬石。仍運安慶府收貯。○又覆准。浙江寧。台。溫。三府。上年秋旱。將福建福州。臺灣。福寧。三處倉穀。碾米九萬二千石。由海運赴寧。台。溫。各屬平糶。○三年。

諭。上年雨水過多。米價騰貴。可將廠內成色米。酌量平糶。并行文直隸總督。近水州縣。可通舟楫者。俱令赴通州領運平糶。遵

旨奏准。除行文直隸總督外。將京。通。二倉。二成至七成。三色米。一百餘萬石。本裕倉。三成四成梭米。共三萬二千餘石。於京城東南二城。立廠一處。西北二城。立廠一處。通州。立廠二處。清河。立廠一處。照時價減糶。按成核收。○又覆准。福建漳。泉。二府。田少人稠。令臺灣道府。於每年正月起。至五月止。每月將貯倉穀石碾米一萬石。運至漳。泉。二府平糶。○又議准。直屬勘不成災之州縣。小民於被水之後。不無乏食之虞。於各屬存倉穀內。酌量減價平糶。據領借給。以濟民食。○



大清會典 卷三十九  
又覆准。差員採買存貯江西米石。行令運浙平糶。○四年。

諭。聞京城近日米價騰貴。雖因天氣連陰。然一時驟長。恐有奸人囤積射利。借此擾亂情弊。著都察院轉飭五城。曉諭各行戶。不得過高價值。勒索小民。倘有囤積遏糶。不遵勸諭。該城御史密行訪察。從重治罪。再將京倉好米。發五萬石。分給五城。每城領米一萬石。照例立廠。委員平糶。其價值著九卿定議具奏。此所糶米石。俟市價平減。卽行停止。其存剩之米。卽存貯該城。將來若市價一貴。卽將此

米平糶。以濟窮民。若此米用完。仍需平糶。著都察院再行奏請。○又覆准。江南蘇松等府被災。動存漕米石。按數分發各州縣。減價平糶。○又覆准。將河南積穀。分發祥符等州縣。減價平糶。○又覆准。河南糶穀。發各州縣四門關廂。設法糶賣。○又議准。凡有平糶州縣。多立廠所。各預定日期。令附近村莊居民。赴廠糶買。該州縣官親盤監糶。毋使窮民有遠涉守候之苦。其有奸商勢豪。居積射利者。卽時訪拿。按律治罪。該州縣官不嚴行查禁。該督撫卽行題叅。交部議處。其州

大清會典 卷三十九  
縣官有將平糶米穀雜以灰沙者。一經察出。或百姓首告。該督撫卽指名題叅。從重治罪。其所糶倉穀。或貯積年久。及零星量糶。稍有虧折。各州縣據實詳報。每石准銷三升。該督撫核實稽查。倘有捏報者。亦卽指叅。交部治罪。○又覆准。貴州貴陽府。平遠州。各存米一萬二千石。貴筑縣。存米一萬五千石。安順府。存米一萬八千石。普定縣。存米一萬八千石。此存貯之外。所餘米石。令其照時價平糶。銀兩解交司庫。報部查核。其清鎮縣。現存米八千石。鎮寧州。現存米六千

三百六十餘石。黔西州。現存米一萬一千四百餘石。貴定縣。現存米八千五百餘石。皆僅足供二三年之用。無庸糶賣。威寧。平越。等二十二府廳。州。縣。存貯米石雖少。已足備用。無庸買補。鎮遠。石阡。二府。獨山。麻哈。等十三州縣。舊貯米石。自二千石至七八百石不等。不敷三年之用。令該撫將州縣平糶解司銀兩內。動支買米。原存二千石者。再買一千石。不足二千石者。俱買足二千石。悉照時價核實開銷。俟各州縣平糶買補完日。總造清冊。報部查核。各府。州。縣。所收新

大清會典 卷三十九  
米積貯既多。俱令易陳出糶。○又議准。江安等屬被水。令該撫於四年地丁銀內。各動支銀四萬兩。委官赴湖廣。江西地方採買。所買米到日。如米價未平。卽一面具題。一面動用平糶。糶過銀兩。仍各解還司庫。○又覆准。濟南府青黃不接之際。將現貯捐納米石。令該撫減價平糶。俟麥熟後停止。秋收照時價買補還倉。○五年。諭聞老米市價一兩八錢。今年又多一閏月。當此青黃不接之時。民間恐有艱食者。可將成色米石。照舊例發糶。○又覆准。廣西入春以來。米價騰貴。將

存倉捐穀。作速動支二十萬石。酌減定價平糶。○又覆准。濟南米價騰貴。動該府所貯米石。減價平糶。於麥熟後停止。○又覆准。浙省居民稠密。產米不敷民食。將鹽臣歸公項內。動支十萬兩。赴川買米十萬五千餘石。分發杭嘉湖三府平糶。再於糶米銀內。動支五萬兩。仍赴川買米貯用。○又覆准。廣東駐防兵丁家口甚多。糶食維艱。將廣西去年存剩糶三穀二萬三千餘石。令廣東將軍運往平糶。○又覆准。江夏等州縣。雍正四年夏被水災。將各州縣倉穀。減價平糶。

俟麥熟停止。

大清會典卷之三十九



